

## ZAPISNIK

Sindikata predškolskog, osnovnog, srednjeg i visokog obrazovanja, odgoja, nauke i kulture BiH – Kantonalni odbor Unsko-sanskog kantona (u daljem tekstu Sindikat) dostavio je prijedlog za pokretanje postupka mirenja uslijed najave generalnog štrajka zaposlenih u osnovnom i srednjem obrazovanju.

Sastanak mirenja je održan 22.08.2019. godine s početkom u 10:20 h u prostorijama Ministarstva obrazovanja, nauke, kulture i sporta. Predstavници sindikata i poslodavaca složili su se i sa liste izabrali Muhameda Ramića, a zatim su donijeli poslovnik o radu. Na sastanku su prisutni svi članovi mirovnog vijeća predstavnika poslodavaca, formiranog u slučaju spora o zaključivanju, primjeni, izmjeni ili dopuni odnosno otkazivanju kolektivnog ugovora ili drugog sličnog spora vezanog za Kolektivni ugovor za djelatnost predškolskog, osnovnog i srednjeg obrazovanja za teritoriju Unsko-sanskog kantona :

1. Damir Omerdić, ministar obrazovanja, nauke, kulture i sporta Usk-a
2. Samir Fajić, KO SSVOO USK-a
3. Zehra Hadžić, KO SSOIO USK-a
4. Muhamed Ramić (predstavnik kojeg su izabrale strane u sporu sa liste koju utvrđuje ministar)

Sindikata ističe da se krši Kolektivni ugovor za djelatnost predškolskog, osnovnog i srednjeg obrazovanja i odgoja za teritoriju Unsko-sanskog kantona, da su prekršeni dogovori između Vlade Usk-a i sindikata iz januara 2019. godine, da se vrši racionalizacija škola osnovnog odgoja i obrazovanja na području Usk-a bez uvažavanja mišljenja sindikata, da nisu ispunjeni zahtjevi sa Protestnog skupa održanog u prethodnom periodu, te da nisu ispunjeni zahtjevi sindikata dogovoreni tokom pregovora sa Vladom Unsko-sanskog kantona. S obzirom da strane nisu dogovorile način mirnog rješavanja spora, provodi se postupak mirenja u skladu sa zakonom. Mirenje provodi mirovno vijeće.

Predstavnici sindikata u uvodnom dijelu navode nezadovoljstva u neispunjenim zahtjevima koja su dogovorena na prethodnim sastancima.

Izmjena pedagoških standarda smatraju, trebala se realizirati i kod srednjeg obrazovanja. Samir Fajić predlaže kombinaciju odjeljenja u srednjem obrazovanju kada su u pitanju slične oblasti, te smatra da bi to dosta pomoglo današnjoj situaciji u školama. Činjenica je da se stručna zanimanja gase, naprimjer nedovoljan broj prijavljenih učenika bravara i zavarivača ukida kompletan stručni smjer. U pedagoškim standardima postoji mogućnost kombinacije ali u istoj struci, prijedlog Samira Fajića je da se taj dio izmijeni.

Izmjene standarda prema zahtjevima sindikata:

-knjigovođa sa 0,10 na 0,50

Prijedlog za Koordinatora za praktičnu nastavu u srednjim školama, da za pet odjeljenja bude jedan izvršilac sa normom 0,20 po odjeljenju. Prethodno bi se uradila projekcija-računica nakon čega bi se imao uvid u povećanje troška.

Sastanku se pridružuje Nezira Sadiković, pomoćnik ministra za finansijske i računovodstvene poslove, te predlaže da se u ovom slučaju pedagoškim standardima definišu radne obaveze knjigovođe.

Jedan od zahtjeva, a tiče se izmjene pedagoških standarda, je da se u odjeljenjima (kombiniranim i čistim) u koja su uključena djeca s posebnim potrebama umanju broj učenika i to za svako dijete tri (3) učenka u odnosu na optimalni broj učenika u odjeljenju.

Muhamed Ramić predlaže da se u srednjim školama za predmet tjelesni odgoj i sport uskladi nastavna norma prema nastavnom planu i programu. Izmjena standarda, u ovom slučaju za broj sati. Tjelesni i zdravstveni odgoj na dvadeset (20) sati, a bosanski jezik i strani jezici na šesnaest (16) sati.

Predstavnik sindikata Samir Fajić ističe još jedan problem u školi JU Srednja poljoprivredna škola „Sanus futurum“ Sanski Most. U pitanju su specifična radna mjesta kao što su štalski radnik i traktorista. Potrebno je ugraditi u standarde za srednje obrazovanje te njihova radna mjesta izjednačiti kao sa radnim mjestom domara u srednjim školama.

Otvaranje kolektivnog ugovora veže se i za izmjene kada je u pitanju minuli rad, ali i u slučaju naknade za uže članove porodice u slučaju teške bolesti.

Sindikat iznosi problem sa terena koji bi se trebao riješiti. U pitanju je šest nastavnica u JU Umjetnička škola „Nusret Braco Keskin“ Bihać. Zehra Hadžić navodi da one od stručne spreme imaju srednju muzičku školu, te da bi se njihova prava trebala izjednačiti s pravima nastavnika u osnovnim školama.

Potrebno je da se donese Pravilnik o napredovanju u predškolskom odgoju jer bi on eliminisao sve ono što nije kada je u pitanju obrazovanju.

Ministar Damir Omerdić upoznaje ostale članove mirovnog vijeća šta je sve isplaćeno od finansijskih dugovanja do današnjeg datuma:

- -naknade u slučaju teške bolesti do januara 2019.godine
- -pomoć u slučaju smrti užeg člana porodice do januara 2019
- -otpremnine do marta 2019. godine
- -prevoz do oktobra 2018. godine
- -regres 2018.godine, isplaćen

Sindikata i Ministarstva. Ističe da su na tim sastancima uglavnom bili prisutni članovi sindikata, ministar i sekretar Ministarstva obrazovanja, nauke, kulture i sporta Unsko-sanskog kantona. Nakon toga Adnan Kreso navodi njihove ranije zahtjeve:

- izmjena pedagoških standarda
- prijedlog ukidanja trokombinacije
- promjena broja odjeljenja u srednjem obrazovanju
- zbrinjavanje domara
- povećanje norme za knjigovođe (više od 10%)
- povećanje norme koordinatorima praktične nastave u srednjim školama (više od 0,003)
- spuštanje norme (na 20%) za predmete čija se nastava realizuje u grupama-informatika, tehnički odgoj

Ministar Damir Omerdić otvara ovaj sastanak, a zatim prelazi na zahtjeve Sindikata.

- Kolektivni ugovor-osnovica
- Sistematski pregled (ljekarski) prosvjetnih radnika





Predstavnik Muhamed Ramić sugeriše da bi ovog puta to trebao biti detaljan sistematski pregled, te da je dosadašnji (formalni) sistematski pregled predstavljao samo gubljenje vremena i novca. Ističe da bi se tačno i koncizno trebalo odrediti šta sve treba da sadrži sistematski pregled prosvjetnih radnika. Ministar Damir Omerdić navodi da bi se isti trebao izvršiti prije početka nove školske godine.

Do sada se kršila dosljedna primjena kolektivnog ugovora, plata se nije sustigla. Zehra Hadžić navodi primjer sa terena gdje radniku nije uplaćeno zdravstveno osiguranje iz razloga što je plata dugo kasnila. Kršenje dosljedne primjene kolektivnog ugovora javlja se i u donošenju budžeta ili rebalansa, te navodi da bi se on trebao donositi sporazumno između Sindikata i Vlade.

Jedan od zahtjeva je i otpremnina koja bi se trebala isplatiti onog dana kada se dobije rješenje. (Član 6. minuli rad)


Ministar Damir Omerdić ističe da kolektivni ugovor ističe za par mjeseci, a da će se prioritetne stvari morati izmijeniti. Do sljedećeg sastanka Ministarstvo obrazovanja, nauke, kulture i sporta Usk-a će raspolagati sa informacijama da li će se moći riješiti osnovica (302) bez umanjena koeficijenta, te da li će se moći isplatiti razlika od septembra 2018. godine do danas.

Proces mirenja nakon ovog sastanka nije uspio. Članovi mirovnog vijeća su se jednoglasno dogovorili da će se sljedeći sastanak održati u utorak 27.8.2019. godine u 10:00h, do tad će ministar Damir Omerdić sa Ministarstvom finansija Usk-a vidjeti da li će se moći realizirati ubrzana isplata otpremnina ili u krajnjem slučaju isplata prevoza do kraja 2019. godine.

1. Damir Omerdić, 
2. Muhamed Ramić, 
3. Samir Fajić, 
4. Zehra Hadžić, 

Zapisničar:

Zerina Hrutanović

  
Bos: 10-34-79607/15  
Bibac; 29.08.2015.



## ZAPISNIK

Sindikata predškolskog, osnovnog, srednjeg i visokog obrazovanja, odgoja, nauke i kulture BiH – Kantonalni odbor Unsko-sanskog kantona (u daljem tekstu Sindikat) dostavio je prijedlog za pokretanje postupka mirenja uslijed najave generalnog štrajka zaposlenih u osnovnom i srednjem obrazovanju.

Drugi sastanak mirenja je održan 27.08.2019. godine s početkom u 14:00 h u prostorijama Ministarstva obrazovanja, nauke, kulture i sporta. Ministar Damir Omerdić je na bolovanju, prema Rješenju Vlade Unsko-sanskog kantona donesenog na sjednici Vlade održane 27.8.2019. godine imenovan je zamjenski član Adnan Kreso, pomoćnik ministra za predškolsko, osnovno obrazovanje i inkluziju.

Prisutni članovi mirovnog vijeća su :

1. Adnan Kreso, pomoćnik ministra za predškolsko, osnovno obrazovanje i inkluziju
2. Samir Fajić, KO SSVOO USK-a
3. Zehra Hadžić, KO SSOIO USK-a
4. Muhamed Ramić (predstavnik kojeg su izabrale strane u sporu sa liste koju utvrđuje ministar)

Prdstavnik Vlade Unsko-sanskog kantona Adnan Kreso iznio je sve zahtjeve sindikata sa prošlog sastanka, održanog 22.08.2019. godine.

Nakon toga prenosi članovima mirovnog vijeća šta je od toga odobreno, a šta nije.

- Vlada Unsko-sanskog kantona podržava izmjenu pedagoških standarda kada su u pitanju djeca sa posebnim potrebama, da se umanju broj učenika i to za svako dijete tri (3) učenika u odnosu na optimalni broj učenika u odjeljenju.
- Za koordinatora praktične nastave u srednjim školama uradila se projekcija i uvid u troškove, što je donijelo rezultat od 4 nova uposlenika. Ovaj prijedlog sindikata je također podržan, kao i izjednačavanje radnog mjesta traktoriste i štalskog radnika u JU SPŠ „Sanus futurum“ Sanski Most, sa radnim mjestom domara u srednjim školama.
- Zahtjev za radno mjesto knjigovođe norma sa 0,10 na 0,5 nije moguća, navodi se da je to previsok zahtjev koji nije moguće realizirati, te da bi se pokušalo krenuti u smjeru da se norma poveća u zavisnosti od broja odjeljenja u školama. Nakon izvršene projekcije utvrđeno je na osnovu zahtjeva Sindikata da je to 23,26 nova zaposlenika što iznosi cca 600.000 KM
- Razlika bi se isplatila za 6.mjesec i 4 mjeseca u prošloj godini ali od januara 2020.godine.
- Vlada Unsko-sanskog kantona je saglasna da osnovica ide 302 bez umanjenja ali za august , sa pretpostavkom ako se stvore uvjeti za isplatu junske plate.

- Usvojen je i prijedlog za slučaj u JU Umjetničkoj školi „Nusret Braco Keskin“ Bihać, te da je njegova realizacija moguća.
- Razlika na platu je predložena da se isplati u roku od godinu dana

Sindikata jasno zauzima stav za ponuđena rješenja njihovih zahtjeva, te navode da bi se plata trebala isplatiti odmah, a razlika za 3 mjeseca.

Prema poslovniku o radu članovi mirovnog vijeća imaju tri (3) dana da se očituju. Međutim predstavnici Sindikata osnovnog i srednjeg obrazovanja nakon završenih pregovora ističu da nijedan od njihovih zahtjeva nije ispunjen ni realizovan do kraja. Jednoglasni zaključak Sindikata je da proces mirenja nije uspio.

1. Adnan Kreso, Kreso
2. Muhamed Ramić, Ramić M.
3. Samir Fajić, Fajić S.
4. Zehra Hadžić, Hadžić Z.

Zapisničar:

Zerina Hrutanović



Broj: 10-34-7960-8/19  
Bihać: 24.07.2019.

Broj: 04-14-12857-1/18

Datum: 27.11.2018.godine

**VLADA UNSKO – SANSKOG KANTONA**  
**n/r Premijera**

**Predmet: Informacija, dostavlja se -**

Poštovani,

Shodno Vašem usmenom zahtjevu, vezano za nepravilnosti i propuste, utvrđene od strane budžetskog inspektora u inspekcijskim nadzorima u ustanovama osnovnog i srednjeg obrazovanja u 2017. i 2018.godini, upoznajemo Vas sa slijedećim:

Budžetski inspektor je u vršenju nadzora u svim kontrolama nad budžetskim korisnicima sprovodio nadzor u planu preventivnog djelovanja sa ciljem sve obuhvatnijeg upozoravanja korisnika o pravima i obavezama u korištenju budžetskih sredstava, poduzimanjem svih potrebnih upravnih i drugih mjera u skladu sa zakonskim propisima, a u cilju sprečavanja nastupanja štetnih posljedica zbog nedostatka i nepravilnosti u primjeni zakona i drugih propisa čije se izvršenje kontroliše, te uspostavljanju i jačanju sistema internih kontrola kod svih budžetskih korisnika.

U izvršenim budžetskim nadzorima kod svih budžetskih korisnika, sa posebnim naglaskom na nadzore u ustanovama osnovnog i srednjeg obrazovanja u 2017. i 2018.godini, utvrđeni su veliki propusti i nepravilnosti u trošenju budžetskih sredstava, proizišli iz loših kontrola od strane resornog ministarstva.

Budžetski inspektor je u utvrđenim slučajevima nezakonitog i nenamjenskog trošenja sredstava budžeta, poduzeo mjere hitnog obustavljanja trošenja sredstava budžeta u cilju sprečavanja nastupanja štetnih posljedica.

U periodu od 01.02.-31.12.2017.godine, izvršen je vanredni budžetski nadzor u Ministarstvu obrazovanja, nauke, kulture i sporta i 9 vanrednih nadzora u ustanovama osnovnog i srednjeg obrazovanja.

Budžetskim nadzorom u Ministarstvu obrazovanja, nauke, kulture i sporta, utvrđeno je :  
\* da broj izvršilaca u ustanovama osnovnog obrazovanja nije usaglašen sa odobrenim Budžetom za 2017.godinu ( "Sl. glasnik Unsko-sanskog kantona", broj: 6/2017), utvrđeno je da resorno ministarstvo godinama nije usaglasilo broj uposlenika u obrazovnim ustanovama, sa stvarnim potrebama.

Obaveza resornog ministarstva je bila da na osnovu Godišnjeg programa rada škola i Pedagoških standarda, utvrdi potreban broj izvršilaca u ustanovama osnovnog obrazovanja, obzirom na propust resornog ministarstva, ustanove su neispravno dodatno upošljavale zaposlenike.

Budžetskim nadzorom je naložena mjera resornom ministarstvu, da utvrdi potreban broj izvršilaca za škol. 2017/2018.godinu u svim obrazovnim ustanovama u skladu sa



Pedagoškim standardima za osnovno obrazovanje ("Sl.glasnik Unsko-sanskog kantona", broj: 12/12,14/13,14/16 i 19/16), te isti usaglasi sa Izmjenama i dopunama budžeta za 2017.godinu.

Ministarstvo obrazovanja, nauke, kulture i sporta je sa zakašnjenjem (20.10.2017.godine), donijelo Odluku o priznavanju broja izvršilaca za škol. 2017/2018.godinu, za sve obrazovne ustanove, kojim je uspostavljena kontrola potrebnog broja izvršilaca u skladu sa Godišnjim programom rada i Pedagoškim standardima.

\* Budžetski nadzorom je utvrđeno, da Ministarstvo obrazovanja, nauke, kulture i sporta nije postupilo u skladu sa članom 86. Zakona o budžetima u Federaciji Bosne i Hercegovine (" Sl. novine Federacije Bosne i Hercegovine", broj: 102/13) i članom 58. stav (1) Zakona o izvršavanju budžeta Unsko –sanskog kantona ("Sl. glasnik USK-a", broj: 6/2017) i donijelo Pravilnik o internim kontrolama i kontrolnim postupcima i utvrdilo sistem internog nadzora ministarstva i korisnika, koji spadaju u njihovu nadležnost.

Budžetskim nadzorom je utvrđen rok i obaveza Ministarstva obrazovanja, nauke, kulture i sporta da donese Pravilnik o internim kontrolama i uspostavi nadzor korisnika, isti je donijet u novembru mjesecu 2017.godine, s tim da je kroz budžetske nadzore u toku 2018.godine, utvrđeno da se isti ne primjenjuje.

\* Budžetskim nadzorom, je utvrđeno da se upošljavanje u obrazovnim ustanovama vršilo, bez saglasnosti resornog ministarstva. Ministarstvu obrazovanja, nauke, kulture i sporta je naloženo, da vodeći računa o racionalizaciji troškova, donese obavezujuće Instrukcije svim javnim ustanovama osnovnog obrazovanja, da broj odjeljenja za škol.2017/2018 godinu, formiraju sa optimalnim brojem učenika uz obavezno obrazloženje za eventualna formiranja odjeljenja ispod propisanog minimuma, samo uz Saglasnost Ministarstva, kako je utvrđeno Izmjenama i dopunama Pedagoških standarada za osnovno obrazovanje "Službeni glasnik USK-a", broj: 14/16).

Rezultat nadzora je bio da je Ministarstvo poduzelo mjere donošenjem Odluke o priznatom broju izvršilaca i dostavilo svim javnim ustanovama instrukcije da broj odjeljenja za škol.2017/2018 godinu, formiraju sa optimalnim brojem učenika.

Budžetskim nadzorom kod obrazovanih ustanova, utvrđeno je slijedeće:

\* Obrazovne ustanove se nisu pridržavale odredbi Zakona o izvršavanju budžeta USK-a ("Sl.glasnik USK-a", broj: 6/17), Zakona o računovodstvu i reviziji u Fedaciji Bosne i Hercegovine (" Službene novine F BiH", broj: 83/09, Upustva o blagajničkom poslovanju ("Službeni glasnik Unsko sanskog kantona", broj: 14/2009), Pravilnika o knjigovodstvu budžeta u Federaciji Bosne i Hercegovine,("Sl.novine Federacije Bosne i Hercegovine", broj: 60/14);

\* Obrazovne ustanove nisu vodile evidencije prisustva na poslu u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu ("Sl.novine Federacije Bosne i Hercegovine", broj: 92/16);

\* Obrazovne ustanove nisu se pridržavale člana 86. Zakona o budžetima u F BiH (" Sl. novine Federacije Bosne i Hercegovine", broj: 102/13, 9/14, 13/14, 8/15, 91/15 i 102/15 104/16 i 5/18) i člana 58. stav (1) Zakona o izvršavanju budžeta Unsko –sanskog kantona ("Sl. glasnik USK-a", broj: 6/2017);



- \* Obrazovne ustanove nisu Projekcije broja izvršilaca u obrazovnim ustanovama uskladile sa Pedagoškim standardima za osnovno obrazovanje ( "Sl.glasnik Unsko-sanskog kantona", broj: 12/12,14/13,14/16 i 19/16);
- \* Obrazovne ustanove nisu se pridržavale Zakona o javnim nabavkama BiH (" Sl. glasnik BiH", broj: 39/14), utvrđeno je da Plan javnih nabavki nije usklađen sa odobrenim budžetom;
- \* Korištenju privatnog vozila u službene svrhe nije usklađeno sa Uredbom o naknadama troškova za službena vozila USK-a, ( "Sl.glasnik Unsko-sanskog kantona", broj:7/17 i 17/17.);
- \* Utvrđivanje prava radnicima na naknadu za prevoz na posao i sa posla, naknade za liječenje za slučaj povrede na radu,teške bolesti i invalidnosti i liste teskih bolesti,odnosno teških tjelesnih povreda na osnovu kojih se ostvaruje naknada (Sl. glasnik Unsko-sanskog kantona, broj15/15) i isplata naknada se vršilo bez adekvatne dokumentacije;
- \* Upošljavanje asistenata u nastavi, bez prethodne saglasnosti ministarstva i planiranog broja izvršilaca Budžetom za 2017.godinu;
- \* Obrazovne ustanove nisu poduzele mjere za naplatu potraživanja, kako nalažu Računovodstvene politike za kantononalne budžetske korisnike i trezor ( "Sl.glasnik USK-a ", broj: 3/17), a isto je dovelo do zastare potraživanja;
- \* Obrazovne ustanove nisu se pridržavale Pravilnika o obliku sadržaju i načinu popunjavanja i predaji Izjave o fiskalnoj odgovornosti, ("Sl.novine F BiH", broj: 13/14).
- \* Obrazovne ustanove nisu se pridržavale člana 76. Zakona o budžetma Federacije Bosne i Hercegovine („Službene novine Federacije Bosne i Hercegovine“, broj: 102/13, 9/14 i 13/14, 8/15, 91/15, 102/15 104/16 i 15/18 ), na način, da se:/  
"Priznavanje prihoda i primitaka, te rashoda i izdataka, zasniva se na modificiranom računovodstvenom principu nastanka događaja".
- \* Obrazovne ustanove su priznavale i vršile isplata naknade za topli obrok i prevoz zaposlenicima, koji su bili službeno odsutni, kao pratnja učenicima na ekskurziji;
- \* Obrazovne ustanove su donosile nezakonita rješenja za odsustvo sa posla ( nadzorom je utvrđeno, da je jedna ustanova dala rješenje za stručno usavršavanje domara u Njemačkoj);
- \* Obrazovne ustanove se nisu pridržavale, zakonom propisanih procedura putem Javnog poziva za iznajmljivanje prostora, te planiranje vl.prihoda i provođenje svih propisanih knjiženja u skladu sa Računovodstvenim politikama za kantononalne budžetske i trezor ("Sl.glasnik USK-a", broj: 3/17);
- \* Obrazovne ustanove nisu provodile Popis imovine, obaveza i potraživanja u skladu Pravilnikom o knjigovodstvu budžeta u Federaciji Bosne i Hercegovine,("Sl.novine Federacije Bosne i Hercegovine", broj: 60/14), članom 25.Zakona o računovodstvu i reviziji u Federaciji Bosne i Hercegovine ( "Sl. novine Federacije Bosne i Hercegovine", broj: 83/09), Pravilnikom o popisu imovine, potraživanja, zaliha i obaveza, broj: 04-07-325-1/07 od 11.01.2007.godine, Uputstva o radu popisnih komisija i obavljanju popisa, imovine, obaveza i potraživanja za 2017.godinu.

Budžetskim nadzorima u 2018.godini utvrđeno je da Ministarstvo obrazovnja, nauke, kulture i sporta nije uspostavilo interni nadzor ministarstva i korisnika, koji spadaju u



njihovu nadležnost, kako je utvrđeno članom 55. ( Interni nadzor) Zakona o izvršavanju budžeta USK-a ( „Sl.glasnik USK-a, broj: 12/18).

U toku 2018.godine od strane budžetske inspekcije u devet izvršenih nadzora u obrazovnim ustanovama, utvrđene su nepravilnosti i propusti, kao u 2017.godini.

\* Budžetskim nadzorom je utvrđeno da su pojedine ustanove srednjeg obrazovanja, u prijavi mjesečnih podataka za obračun plaće u toku 2016., 2017. i 2018.godine, iskazale punu normu knjigovođe iz sredstava budžeta, tj. nisu se pridržavale Pedagoških standarda i normativima za srednje obrazovanje (Sl.glasnik USK-a”, broj:14/04,12/10,8/11,17/14 i 21/17), kojom se “školi se za poslove knjigovođe priznaje 0,10 izvršilaca” za navedene poslove.

\* Budžetskim nadzorom je utvrđeno, da su ustanove srednjeg obrazovanja, koje su imale organizovano obrazovanje odraslih, obračun i isplatu naknade za poslove voditelja obrazovanja odraslih u 2016., 2017., i 2018.godini, vršile iz budžetskih sredstava,što nije u skladu sa Pedagoškim standardima i normativima za srednje obrazovanje (Sl.glasnik USK-a”, broj:14/04,12/10,8/11,17/14 i 21/17).

Utvrđeno je da se ustanove srednjeg obrazovanja, nisu pridržavale svojih internih pravilnika, kojima je utvrđeno vrednovanje rezultata rada izvršilaca i radnih zadataka u oblasti obrazovanja odraslih, da se isplata za te poslove obrazovanja odraslih planirala iz ostvarenih vlastitih prihoda od obrazovanja odraslih,a da je ista izvršena iz sredstava budžeta.

Utvrđeno je da su bruto iznosi za isplatu plate, toplog obroka i regresa voditeljima obrazovanja odraslih isplaćeni nezakonito iz sredstava budžeta na godišnjem nivou iznosili i do 26.000,00 KM.

\* Utvrđeno je da ustanove obrazovanja nisu uspostavile kontrolu potrošnje goriva za službena vozila, da se nisu vodile evidencije u PN-4 obrascu, čime će bi se osigurala adekvatna kontrola utroška goriva i korištenje službenih vozila.

Utvrđeno je da korištenje vlastitog vozila u službene svrhe nije usklađeno sa Uredbom o naknadama troškova za službena vozila USK-a, ( “Sl.glasnik Unsko-sanskog kantona”, broj:7/17 i 17/17.), te da su provodeni postupci i zaključeni Ugovori za nabavku i isporuku goriva za vlastita vozila zaposlenika, utvrđeno je da za nabavljeno gorivo su fakturisani iznosi unijeti u GK trezora i za iste je izvršeno plaćanje, bez prethodnih kontrola.

\* Utvrđena je neusaglašenost stanje blagajne u glavnoj i pomoćnoj knjizi, neusaglašenost blagajničkog poslovanje sa članom 22. Zakona o računovodstvu i reviziji u Fedaciji Bosne i Hercegovine ( “ Službene novine F BiH” , broj: 83/09).

\* Utvrđeno je donošenje nezakonitih odluka Školskog odbora, kojom se bez naknade odobrava korištenje imovine škole, školskog zemljišta i utupanje prostorija škola na korištenje zaposlenicima i udruženjima.

\* Utvrđeno je da se Rješenja o pravu i visini naknada troškova prevoza na posao i sa posla, nisu donosila na osnovu obavezne, unaprijed dostavljene dokumentacije uposlenika, utvrđene Zaključkom Vlade USK-a, broj:03-017-160/2011 od 24.03.2011.godine i aktom Ministarstva obrazovanja, nauke, kulture i sporta, broj: aktom, 10-49-20-4/16 od 12.01.2016.godine, a za ista su se vršile isplate.

\* Utvrđeno je da putem Javnog poziva nije omogućeno pravo na nadmetanje svim pravnim i fizičkim licima, koji ispunjavaju zakonom propisane uvjete za obavljanje

navedene djelatnosti u Javnom pozivu, kako bi se ispoštovale odredbe Zakona o konkurentnosti i budžetski princip transparentnosti.

\* Utvrđeno je da su ustanove obrazovanja nabavljale i dostavljale na plaćanje obaveze za gorivo u službena i vlastita vozila zaposlenika u 2017. i 2018. godini, bez dokaza kojim bi se potvrdila upotreba goriva isključivo u službene svrhe.

Budžetskim nadzorom u 2017. i 2018. godini kod obrazovnih ustanova je utvrđeno, da su ustanove neosnovano stvarale obaveze i iste dostavljale na plaćanje resornom ministarstvu, te da su obaveze plaćene bez ikakvih kontrola u obrazovnim ustanovama i Ministarstvu obrazovanja, nauke, kulture i sporta.

S poštovanjem,



Budžetki inspektor:

Besima Mldžić

Dostavljeno:

- naslovu
- Ministarstvo finansija
- a/a





03/1

Broj: 03/1-33-1538-4/19  
Bihać, 03-07-2019

Kantonalno tužilaštvo Unsko-sanskog kantona  
n/r Glavne kantonalne tužiteljice

PREDMET: Dokumentacija, dostavlja se;-

U vezi sa Zaključkom Vlade Unsko-sanskog kantona broj: 03-017-612/2019 od 27.06.2019. godine dostavljamo Vam slijedeću dokumentaciju:

- Izvještaj Stručne Komisije o provedenoj analizi stanja u ustanovama predškolskog, osnovnog i srednjeg odgoja i obrazovanja na području Unsko-sanskog kantona
- Informaciju Budžetske inspekcije broj: 04-14-12857-1/18 od 27.11.2018. godine
- Izvještaj Kantonalne uprave za inspeksijske poslove Bihać broj: 17-05-00013/19-1041-001 od 15.01.2019. godine na dalje postupanje, odnosno provođenje predistražnih, istražnih i drugih radnji u okviru Vaše nadležnosti i da, ukoliko utvrdite postojanje odgovornosti ministara, direktora, upravljačkih struktura i uposlenika nadležnih institucija, postupite u skladu sa Vašim nadležnostima.

S poštovanjem!

Prilog: - kao u tekstu

Dostavljeno:

1. Naslovu
2. Ministarstvo obrazovanja, nauke kulture i sporta (na znanje)
3. a/a

